



EDITORIAL ❖ RAL VENG TU ❖ CHHUNGKAW CHANCHIN

❖ Pulpita thuhiril hi
❖ Synod House Style siam tum a ni
❖ SMB-in Missionary a la thar

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD *Newsletter*

Volume XXVI

No 346

E-mail : synodnews@gmail.com

JULY, 2012

SYNOD REVIVAL MEET HLAWHTLING TAKA HMAN A NI

* 2012 October thla chawhnu lamah Revival Beihpui thlak tum a ni baw

Synod Revival Speaker-te leh an rawngbawlpui (Team member-te) intawh khawmna, 'Revival Meet' chu June 22 - 24, 2012 chhung khan Mission Veng Kohhran Biak Inah tuang taka hman a ni. He Revival Meet-ah hian Synod Revival Speaker-te leh Team member-te an kal tha hle. Speaker 70 zingah damlohna avanga kal thei lo pakhat a awm a, a bak zawng chu an kal kim thei. Team member lam pawh an kal tha thawkhat hle a, riak lut 170 vel leh langa kal thin mi 600 vel an ni.

Revival Team-te pual hian hun eng emaw chen atang khan kum tin inrawn khawmna (Consultation) lam hawi te, thil zirhona (Seminar/Training) lam hawi te leh thlarau lama intuiti tharna (Retreat) lam hawi tein intawh khawmna hun hi hman a lo ni tawh thin a. Thupui thlan ziaktu tur inruatin an thu ziate zir ho a ni thin. Kum danga tih thin dan ang lo deuhvin kuminah hian hun hman dan tihdanglam a ni a; Harhna Inkhawmpui zawnga kalpui a ni deuh ber. Thupui thlan **"Maichamah mei a nung reng tur a ni,"** (Lev. 6:13) tih chu thu sawitu hrang hrangin thiam tak takin an sawi a. Meet tan zana Synod Moderator Rev. Thangzauvan thuchah a sawi a, a tawp zana Rev. Zosangliana Colney, Executive Secretary i/c Revival-in thupui a sawi leh a; Synod Revival Speaker zing atangin Upa C. Sangkhuma, T.Upa Lalthlengliana, Upa H. Zoliana, Upa P.C. Lalhmachhuana leh Pu K. Lalngaihawma ten thupui an sawi baw.

Inkhawm ban zaikhawm pawh Speaker-te zing atanga thlan chhuahten an hruai thin. Hei hi mipui vantlang chhim theih vek a ni baw a; a telte chuan zawngchhang tlak hlein



an hria. Pathian biak inkhawmah leh lenkhawmna lamah Pathian faka lam an tamin lamtual a khat hneh thei hle.

Meet hman dan chungchang sawiin Synod Revival Director, Rev. R. Lalchangliana chuan, kum danga tih zel tur a nih leh nih loh sawi lawk awm lo mah se, Biak In behchhana tih a nih chuan Harhna Inkhawmpui anga kalpui chu a tha zawka ngai an tam thu a sawi a; Seminar ang deuhva thil kalpui a nih erawh chuan Biak Inah ni lovin hmun dang remchangah, mi dang chîm vak lohva tih thin a that a ring baw.

He Revival Meet-ah hian Chawnpui Bial Zaipawl, Venghnuai Kohhran Zaipawl, ITI Veng Bial Zaipawl, Dinthar Kohhran Zaipawl, Kulikawn Bial Zaipawl, Ramhlun Vengthar Kohhran Zaipawl, Maubaw Bial Zaipawl, Bethlehem Kohhran Zaipawl, Tuikual Bial Zaipawl, Mission Veng Kohhran Zaipawl, Electric Veng Bial Zaipawl, Upper Republic Kohhran Zaipawl, Khatla Bial Zaipawl, Mission Vengthlang Bial Zaipawl-te an zai thei a, a lawmawm hle.

A thlengtu Mission Veng Kohhranin an thleng hneh hle a, hmun hrang hrang atanga kalte an lo buaipui danah leh mipui an dawnsawn danah an puitlingin an entawn tlak hle niin thu kan dawng.

Synod Revival Committee chuan October 15-21, 2012 chhung khian Revival beihpui thlak a rel baw a. District Hqrs. pasarih huam chhunga Pastor Bial 19-ah leh Thingtlang khaw lian deuh deuhva Bial 51-ah Revival Beihpui hi thlak tum a ni. Heng hmunah hian Synod Revival Speaker 70-ten a rualin hun an hmang ang. October 20, 2012-ah khian tawngtai beihpui neih a ni ang a, an Crusade-na station tinah Revival Speaker-te kal kim vek tura beisei an ni.

Aizawl khawpui bika mite tan October 26, 2012 (Zirtawpni) zana Bial tina khawlai remchang laiah tawngtai beihpui thlak tum a ni a, a tuk October 27, 2012-ah Lammual (AR Ground)-ah Aizawl khawpui chhung tan tawngtai rual beihpui thlak leh tura ruahman a ni baw.

(Thu lakna: **Rev. Lalchangliana,**
Director, Synod Revival)

SYNOD Newsletter

EDITORIAL STAFF

Rev. K. Lalpiangthara (LPT)

Rev. B. Lalnghakliana (BLNG)

Upa H. Ronghaka (HR)

Upa C.H. Thangkhuma (CTK)

Editorial

KUTDAWH RILRU

'Kutdawh' kan tih hi 'mahni kutkêa dîng zo lo, mi thawh chhuah sa ringa khawsa ve nawk nawkhote hi an ni' ti ta ila a dik thui viau mai thei e. Kan ramah hian tam lem lo mah se hmân aţang khân an awm ve a. Ram buai hma leh a hnu lawk thleng kha chuan khaw khata kutdawhhote hi a tlâng-puiin pianphunga rualban lohna nei an ni duh hle a; khawngaihthlâk zâwnga inlantîr leh dâwt han sawi mai te pawh thenkhat chuan an hreh lem lo.

Hnam dang nen kan inchîm nasat tawlh tawlh bâkah rual awhna khawvelin min chîm sâng tual tual baw a, chuvangin kan duh zawng kan neih theihna tur a nih phawt chuan insawi khawngaihthlâk leh dâwt sawi te hial pawh kan hreh ta hlawm lo niin a lang!

Kohhranhote ngei pawh hian fimkhurna tur kan nei em âw a tih theih. Kohhran thenkhatte an thawhrim viau lai leh an rinawm viau lai hian thenkhat chuan a enga mah hmain Synod aţanga sum a thlâwna hmuh theih dân tur kan dap chak lutuk deuh em aw a tih theih. Chhûngkuua kutdawh awm lo nia kan inhriat lai hian Kohhran chhûngkuua ang hian kutdawh rilru kan lo puin kutdawhah kan lo insiam thei a ni tih hre thar leh ila. John F.Kennedy-a'n, " 'Kan ram hian eng nge mi tihsak theih ang' ti lovin, 'Kan ram tân hian eng nge ka tihsak theih ang' tihna rilru kan pu zawk tur a ni,' a tih ang deuhvin, 'Kan Kohhran / Bial hian Synod aţangin eng nge kan dawn theih ang' ti lovin, 'Synod tân hian eng nge kan tihsak theih ang' tihna rilru pu ila. Mite duhsakna leh khawngaihna dawngtu nih tum aiin mite duhsak theitu leh khawngaih theitu nih hi Kristiante chuan kan tum hram hram zawk tur niin a lang.

ZAWHNA leh CHHANNA

Zawhna : *Israel mipui, Aigupta aţanga hruai chhuah ni vek si Levia chiten temple an buatsaih laia hnam dangin an khawih ve hleka an thi zel mai kha eng nge a awmzia? Tûnlaia kan rama Kristian Biak In tam zawk hi Hindu leh Mosolman-ho sak ti ila a sual lo vang. Mi thenkhat phei chuan Mosolman mistiri-te hian a biru laiah an pathian chhinchhiahna an dah zel niin an sawi nghe nghe a. Pathian hian a miteah min chhiar lovin kan Biak In te hi min luahpui lo mai ang tih a hlauhawm lo maw?*

– **R.T. Hnema, Electric Veng**

Chhanna: Levia chîte kha puithiamte puitu leh biak bûk lama mawhpur tura serhhran bîkte an ni a. Chuvangin inrawlh ve lo tur an inrawlh ve kha Pathianin a phal lo va; ".... hnam dang a rawn inrawlh apiang chu tihhlum tur an ni ang," tiin thupêk a pe a (Num 1:31). A thupêk zawm lote chuan an thih phah thin a ni.

Ni e, Hindu leh Mosolman-ho Biak In kan saktîr thin chungchangah hian Kohhran thenkhatin enga maha kan ngaih lem loh lai hian thenkhat chuan an thin an tichhe viau thung a, Kristian chauh ruai lui ngatte pawh sawi tur an awm. Mistiri-te indaihin Mizo-te ngeiin sa thei phei ilang chuan duhthu a sam lehzuat âwm e. Amaherawhchu, a sak lama kan duhtui a nih rau rau chuan thil dangah pawh duhtui ngam a tha mai thei. Hmanraw chi hrang hrang - rod-te, cement-te, rangva te, dardhlalang te, electric bungrua te leh thil dang dang kan hman loh theih loh siamtute hi kristian an ni ang em tih erawh chu zawh theih tak a ni mai thei e.

A tha berah chuan hmanraw siam leh a sak chungchangah intodelh thei tawh ila. A building lam ringawta duhtui lovin a chhûnga lâwi thinte pawh hian Pathian Biak In thianghlim, Thlarau Thianghlim chenna kan ni tih inhriain zuk leh hmuam hmangete hian intibawhlhlawh lo thei ila a tha khawp ang. Eng pawh nise, i duhtuina hian rah tha a chhuah ngei turah i ngai ang hmiang?

.....

Kohhran Hmeichhia in tanpui

Kohhran Hmeichhia chuan harsatna engemaw avanga rahbi tleu hmeichhia paruk te chu kum 2011 khan thla 6 chung puanthui zirtirin, heng mi 6 te hnenah hian June 21, 2012 khan an intunnun nan leh an bul tan nan puanthui khawl an pe.

NUN DAN

PULPIT-A THUHRIL HI

"Pulpit hi thuhritu lalthutthleng a ni a, Krista aiawhin a ding a, a thu sawi tur chu Pathian thu a ni a; a kiang velah chuan thlarau thi thei lo an awm a. Chhandamtu, hmuh theih lohva chuan a dinpui a. Thlarau Thianghlimin inkhawmhote chu a uap reng a; vantirhkohvin an rawn bih a, vanram leh hremhmumin a thu sawi chu an lo ngaichang thin. Inpawlhona hmun danglam taka mawhpurhna danglam tak a ni e," tiin Matthew Simpson-a chuan pulpit-a rawngbawltu dinhmun a sawi a.

Presbyterian Kohhran chuan Pulpit hi Kohhran tana thlarau lam malsawmna dawnna hmun leh Kohhran chawmna hmun pawimawh, hmun thianghlimah a ngai a; a hman dan tur pawh Pastoral Ministry Kaihhraina Bu (2006)-ah chipchiar takin a dah nghe nghe, Pulpit-a rawngbawl tur thlan thu-ah pawh Kohhran Committee a fimkhur hle a ni. Chu vang tak chuan kan Kohhran hruaitu hmasate chuan Pulpit-a an awmin Krista aiawhin an ding tih an inhria a, a thianghlimna zah tak chungin Kohhranho thlarau lam nun chawmna thu an sawi thin.

Tun hma deuh khan fiamthu thiam pakhat, Evangelist lar tak ni chho ta thusawi hi kan Pastor senior pakhat chuan, "A fiamthu thawhna dawhsan kan sawnsak a ni maw?" a ti e, an ti a. Tunlai hian kan thuhritute zingah Pulpit-a tlangnêl lutuk hmuh tur an awm ta nual mai a, Pulpit zahawmna humhalh chungchanga Kohhran inkaihhraina an hriat loh vang a ni mai thei. Ngaithlatu mipui rilru tihharh nana tehkhin thu hlimawm deuh rawlh chu a thatna chen a awm thei a; amaherawhchu, Pathian thu puan chhuahna hmun thianghlim leh zahawm hi miin fiamthu thawhna hmunah an ngai palh ang tih a hlauhawm.

Kan sermon-ah Kohhranhote nuih tur an châng tawh a nih ngat phei chuan inen lêt kan ngai tihna a ni. Kan theih tawka inbuatsaih chungin Pathian thu chu a nihna ang takin sawi mai ila a tawh, thu uar lutuk hian 'dawt' tlem a pai tel duh thin avangin Pulpit nen a inhmech chiah lo bawh. Pulpit-ah hian Krista aiawhin kan ding a, Pathian Thlarau Thianghlimin min dinpui tih hria ila. A ai kan awh Isua ngei hi Pulpit-ah hian rawn ding ta se, mipui tihnuh tuma kan sawi thin ang hi a sawi ve ang em tih te pawh i ngaihtuah thin ang u. – CTK



Mi pahnih hi Râl Vêngtu hnenah an lo kal a, "Râl Vêngtu, hun eng emaw chen aţang khan camping leh campaign kan ti tlat tlat mai a. Kan hlimin kan lawm a, ruai te thehin kan ri bêng bêng thin. Mahse, engati nge thla hnih khat lek hnua kan chauh leha a hma ang deuh mai kan nih leh thin?" tiin an zawt a. Râl Vêngtu chuan, "Henga piangthar leh harhna chang tharte hian an tih tur an tih loh vang a ni" a ti a. "Eng nge an tih tur chu?" an tih chuan, Râl Vêngtu chuan heng a hnuaia thu hlawm hrangte hi a sawi a -

1. Pathian biak inkhawm: Ringtute chu meiling awm khawm ang hi kan ni a. Meiling pakhat hi mei vâm aţanga kan lak hran chuan rei lo tēah a thi a, meihawlah a chang mai thin a, han khawih pawhin kutte a bāl thei a. Chutiang chuan ringtu nun chu mi dangte tan bawhlawh leh rimchhiaah a chang mai thin a ni. Meiling zinga a awm reng erawh chuan a ling sate nen an inchhēm alh tawn reng thin a ni. Ringtu inkhawm thlahdah leh mal tlat chu rei lo tēah an da ta mai thin a ni.

2. Bible chhiar: Bible hi Pathian thu a ni a, Pathian aw kan hriatna tur ber pawh a thu kan chhiar leh ngaihthlak hi a ni. Chuvang chuan Pathian thu chhiar leh ngaihthlak hi kan hlamchhiaah chuan kan da thuai ang.

3. Tawngţai: Kan tawngţai hian Pathian kan bia a, kan mamawhte thlenin lawmthu te kan hrilh thin tur a ni. Tawngţai hi kan thāwk lākna a ni a, thaw ngai reng reng lo kan nih chuan mitthi mai kan ni ang.

4. Thilpêk: Pathianin a Fapa min pe a, thil dang zawng zawng pawh hi min pêk a ni. Amah biak nan leh a rawngbawl nan a thil min pêk aţanga kan pêk ve thung hian kan nun chu lawmnain a chhung khat thin a ni.

5. Puan darh: Pathian thu hi hriat mai a taw lo, puan darha nuna zawm nghal chi a ni. "I rawng bawl duh lo hnam leh ram chu a boral dawn si a," a ti a ni (Isa. 60:12).

Heng thilte hi an tih tlat chuan kan da mai mai lo vang a, an nun chu luipui kang ngai lo angin a luang dawn a ni. Pathian chuan hlimna thurûk i nunah a dah ang a, miten chu chu an hmu mai dawn a ni" a ti a. - (BLNG)

HRIATTIRNA

Synod Multipurpose Training Centre, Mission Vengthlang, Aizawlah Certificate in Computer Application Course thla ruk chung zirna buatsaih a ni leh dawn a. Application form chu Office-ah lamin Office hun chungin Kohhran Lehkha nen theh luh tur a ni. Registration Fee ₹ 100/- leh Monthly Fee ₹ 50/- a ni a, tuang taka zir chhuakte hnenah Incentive Prize ₹ 1,200/- pek a ni.

Dil theih hun chung : 30.8.2012 thleng
Screening test hun : 3.9.2012 11:00 a.m.
A hmun : Mission Vengthlang, Aizawl
Interview hun : 4.9.2012 (11:00 a.m.)
Class tan hun : 1.10.2012 9: 30 a.m.
Dil thei chin : HSLC passed

Sd/- Rev. F. Lalrinnunga
Programme Director, SMT
Mission Vengthlang, Aizawl

PATHIAN THU ZIR DUH TAN

Presbyterian Bible School, Mission Veng, Aizawlah Session 26-na atan Certificate in Theology (C. Th.) Admission hawn a ni a. Dil duhte tan a hnuaia tar lan hi hriat tur a ni e.

Admission Form hi Office hun chungin Rs. 10/- a lei theih a ni.

Dil hun chung : September 3, 2012 thleng
Dil thei chin : Class VII passed, kum 16 chin, Dan zawh kim
Interview : September 5, 2012
Chawhma dar 10:00

Class tan hun : September 7, 2012
Zir hun chung : Sept. - Dec. 2012
Zirlai tin hnenah Stipend ₹ 500/- p.m. pek a ni ang. Hostel a awm lo thung.

Hre Chiang duh tan Phone No 8575308007, 2317343 leh 2350082-ahte zawh fiah theih a ni.

Sd/- Rev. R. Lalengmawia
Principal

TIHDIKNA

Synod Newsletter June, 2012 chhuaka Pavalai Pawl Inkaiahruaina (SEC Thurel)-a mi, "Synod Revival Committee enkawlina hnuaia awm tura tih a ni a... ram pum huap intawh khawm pawh Synod Revival Committee-in tul a tih anga buatsaih tura tih a ni baw," tih kha tihsual palh a ni a. Hetiang hian tih zawk tur a ni - **"Thlarau lam intihchak tawn nan Bial huap intawh khawm (Meet) an nei thei ang a, Presbytery hriatpuiin Presbytery huapin intawh khawm an nei thei baw ang. Ram pum huapa intawh khawm (Meet) neih a tul chuan Synod Revival Committee-in a ruahmanpui ang a, Synod Executive Committee a hriattir thin ang."**

SYNOD HOSPITAL, DURLANG MAY, 2012 CHHUNGA THILPEK DAWNTE

I. Charity Fund

1. Sialsuk Bial Kohhran Hmeichhia	Rs. 3,000/-
2. Hliappui Bial Kohhran Hmeichhia	Rs. 5,000/-
3. Sihfa Bial Kohhran Hmeichhia	Rs. 2,000/-
4. Damparengpui Bial Koh. Hmeichhia	Rs. 1,000/-
5. Sumsuih Bial Kohhran Hmeichhia	Rs. 1,500/-
6. Chungtlang Kohhran	Rs. 2,000/-
7. Pavalai Pawl, Bungmun Kohhran	Rs. 1,000/-
8. Pu Hualhnuna, Sihphir Venghlun	Rs. 1,000/-
9. Pi Rosiampuii, Khawbung	Rs. 3,000/-
10. Cherhlun Bial	Rs. 1,000/-
11. KTP, Dawrpui Vengthar Bial	Rs. 10,000/-
12. Serchhip Vengchung Kohhran	Rs. 5,000/-
13. Karbi Anglong Field Missionary-te	Rs. 6,000/-
14. Ramhlun N Bial Koh. Hmeichhia	Rs. 10,000/-
15. Model Veng Kohhran, Aizawl	Rs. 6,190/-
16. Thingsulthiah Bial	Rs. 10,000/-
17. Salem Koh. Hmeichhia, Aizawl	Rs. 2,000/-
18. Tlangnuam Kohhran Hmeichhia	Rs. 6,150/-
19. Sairang Presbyterian Kohhran	Rs. 15,000/-
20. KTP, Keitum Bial	Rs. 3,000/-
21. KTP, Sialsuk Branch	Rs. 2,000/-
22. Dr. K. Lalremmawia, Synod Hospital Campus	Rs. 2,000/-
23. Zonuam Bial Kohhran Hmeichhia	Rs. 5,000/-
TOTAL	Rs. 1,02,840/-

II. Thisen pete

	Pek zat
1. KTP, Edenthar Branch	30 Units
2. KTP, Leitan Bial	66 Units
3. KTP, Zemabawk Branch	91 Units
4. KTP, North Lungleng Branch	20 Units
5. KTP, Aibawk Bial	67 Units
TOTAL	274 Units

III. Thil dang pete

1. Farkawn Bial Kohhran Hmeichhia	
- Thutthleng (Bench)	- 5
2. Hnahthial Bial Kohhran Hmeichhia	
- Hmunphiah	- Phiah 110
3. Lalmuanpuii, Bawngkawn Chhim Veng	
- A nu hriatreng nan Holy Bible 1	
4. Pu Chhunsanga, Ramhlun North Basic Mual (Pi Tlangthansangi Hriatreng nan)	
- Wall Clock	- 1
5. Rawpuichhip Bial KTP	
- Thutthleng (Bench)	- 10
6. Zokhawthar Kohhran Hmeichhia	
- Hmunphiah	- Phiah 8
7. Cherhlun Bial Kohhran KTP	
- Hmunphiah	- Phiah 90
8. R. Lalhakima, Sr. EE, P & E Dept., Electric Veng	
- Lehkhabu 25	

Khawngaihna leh duhsakna avanga kan Lalpa Isua Krista hminga thilpek min petu zawng zawngte hnenah Isua Krista hmingin lawmthu kan sawi tak meuh meuh a ni e.

Dr. LALREMTHANGA
Director,
Synod Hospital.



VAPHAI KOHHRAN chuan May 23-June 17, 2012 chhung khan Pu C. Lallianthanga (Agape Gospel Rhema Team) Speaker-a hmangin Camping chhawng thum, naupang pual Lâng Camp leh Crusade an buatsaih a. Puitling Camping-ah hian mi 539 lutin, mi 96 chu Kohhran pawl dang mi an ni a. Mi inphalte hnen atangin sum leh thlai thahnem tak bâkah sial an dawng a, Camp-a lutte hi Krista chhandamna leh siamtharna changin hlawhtling takin an chhuak hlawn. Pathian hnathawh ropui tak avangin Kohhran chuan 16.6.2012 khan Pathian chawimawina ruai ropui tak an buatsaih a, Kohhran leh khawtlang an him hle.

CHHINGCHHIP VENGLAI KOHHRAN chuan June 4-27, 2012 chhung khan Siamtharlehna Camping chhawng thum leh naupang pual Lâng Camp wavi hnih an buatsaih a, Speaker atan Pu R. Lalrinsanga (Gospel Deliverer Team) hman a ni. Campers 155 ten chhandamna/siam thar lehna an chang a, zu hmuna tâl thinten an thil chin tha lo an sim avangin zu hmun pawh a reh rawih mai. He rawngbawlna hian rah duhawm tak a chhuah zel a, Kohhranin an hlawkpui hle.

PATHIAN BIAKNA ZAI, ETC. CHUNGCHANGA INRAWN KHAWMNA

Synod Music Committee chuan July 3, 2012 (Thawhlehi) khan Synod Conference Centre-ah Pathian biakna hla, zai leh Synod Music Department hmalakna chungchanga inrawn khawmna a buatsaih a. Aizawl khawpui chhunga Synod Music Committee awm te, Aizawl khawpui chhung Bial tin aiawh pakhat zel leh hemi lama hnuhma nei deuh mi thenkhat sawm an ni a, mi 59 an kal thei. Synod Moderator, Rev Thangzauvan a kaihrui a; Rev. Lalzuithanga, Executive Secretary, i/c Music-in inrawn khawmnaa an sawi tur tlangpui sawi hawmna hun a hmang a. Heng a hnuiaia tar lan thupui hrang hrangte hi uluk taka sawi ho a ni –

1. Pathian biak inkhawma zai hrui leh zai dan tihmasawn chungchang
2. Pathian biak inkhawma music instruments hman chungchang
3. Biak Ina hla hril chungchang
4. Kohhran mipuite hla thiam hnetir chungchang
5. Kohhran Music Committee din chungchang
6. Kohhranin Music zirna class neih chungchang
7. Music Department hmalakna tihmasawn chungchang
8. Synod Music Department inkaihhraina awmsa thlir zauh leh rawt belh.

Inrawn khawmnaa kalte hi ngaihawh zawng sawi duh nei deuh vek an ni baw a, kham lo takin hun an hmang. Hemi tuma thu sawi hote hi chhinchhiah zel a ni a. Music Executive Committee-in ngun taka a thlir nawn hnuah a tûl angin Board Committee-ah la ngaihtuah zel tur a ni ang.

SYNOD HOUSE STYLE SIAM TUM A NI

Synod hnuiaia lehkhabu, chanchinbu etc. chi hrang hrang tihchhuah thina kalhmang inang tlang zui tur (Synod House Style) siam tumin Synod Literature & Publication Board-in hma a la a, hemi chungchanga inrawn khawmna hi June 30 leh July 10, 2012 khan Synod Committee Room-ah buatsaih a ni a. Ruahmanna siamte hi SL&PB BEC-in a tûl angin an la thlir leh ang.

2013-A ZIR TUR EN MEK

Nakkum lama Puitling Sunday School zir tur Sam Hrilhfhahna, Rev. Dr. R. Lalbiakmawia buatsaih chu chhut tura en mek a ni a. Naupang lam Sunday School zir laibute pawh SL&PB leh MSSU lamin chhut turin an buatsaih mek. Nilai leh Beihruah Thupuih 'Presbyterian Kohhran' tih, Rev. H. Remthanga ziak zir a ni thung ang.

SMB-IN MISSIONARY A LA THAR

Synod Mission Board (SMB) chuan July 5, 2012 khan kumina a vawi thumna atan Missionary hna chi hrang hrang thawk tur a la thar leh ta. July 17, 2012-ah Synod Mission Board office-ah joining report pek tur a ni a, Orientation programme neih zui nghal a ni ang. Missionary-te hi July 22, 2012-ah thlahna hun hman tur a ni ang. Waiting List-ah mi 18 dah an ni a, thla thum chhung a nung ang a, Field mamawhna leh a tûl anga lak leh theih an ni ang. Tun tuma lak tharte chu heng mite hi an ni -

Sl.	Hming	Pa/nu Hming	Thiamna	Permanent Address	Thawh tur	Awmna tur	Awmna tur Field
1.	Genie Lalthianglimi	H. Lalrinsanga	MA, DCA	Tumpui Veng, Kolasib	E/T	Bungtlang 'S'	Home Mission 'S'
2.	R. Lalthafali	R. Lalrawna	MA	Chanmari West	E/T	New Khamlang	Arunachal 'E'
3.	Laldingiani	C. Lalvena	PU (Sc), B.Com.	Thingkangphai, Manipur	E/T	Bairabkunda	Assam
4.	Lalrinlua	T. Suiliana	BA, BD	Chaltlang Lily Veng	E/T	CHS Tuidu	Tripura
5.	Rebecca VL Hlondo	H. Lianmawia	B.Com.	Khatla East	E/T	JMHS Jonai	Arunachal 'W'
6.	R. Lalnunmawii	R. Rokima	BA	Bethlehem Vengthlang	E/T	SHMS Tlabung	Home Mission 'S'
7.	P.C. Lalruatkimi	Lalzarliana (L)	B.Com.	Aizawl Venglai	E/T	Winchester	Cachar Tlang
8.	J. Lalenkima	M. Dawngliana	BA, PGDCA	Mission Vengthlang	E/T	New Khamlang	Arunachal 'E'
9.	Moses Lalbiakzuala	H. Zarzoliana	BA	Sihphir Venghlun	E/T	SHMS Tlabung	Home Mission 'S'
10.	Zosangpuii	R. Rongura	BA	Kawrthah	E/T	SHMS Parva I	Home Mission 'S'
11.	Vanlalawmpuii Renthlei	R. Lalawmpuia (L)	BA (G & H)	Ramhlun Venglai	E/T	SHMS Diblibagh	Home Mission 'S'
12.	H. Laltlanthangi	Upa H. Lalthlengliana	PU (G&H)	Mualpheng	E/T	SHMS Tlabung	Home Mission 'S'
13.	K.C. Lalthansangi	Lalmalsawma	HSSLC	Lunglei Chanmari	E/T	Damparengpui	Home Mission 'N'
14.	Vanlalmawii	C. Lalhmachhuana (L)	HSSLC	Zotlang, Aizawl	E/T	Belpei	Home Mission 'S'
15.	Immanuel VL Pianchana	R.K. Zolianthanga	HSSLC	Vaivakawn	Evan.	Lucknow	Lucknow
16.	H. Lalmuanpuia	H. Lalsangliana	HSSLC, M.Div.	Maubawk	Evan.	Marigaon	Assam
17.	C. Lalbiaknungi	Thansahulha	HSSLC	Haulawng	Evan.	Belkhai	Home Mission 'N'
18.	K. Lalrodawla	Lalrosanga	HSSLC, B.Th, M.Div.	Zemabawk North	Evan.	Noxatilla	Cachar Tlang
19.	P.C. Ramfangzauvi	P.C. Lalhmingthanga	HSLC	Diakkawn Kolasib	Evan.	Kananthar	Home Mission 'N'
20.	Richard Laldinmawia	Liandawla	HSLC	Kawlkulh	Evan.	Sumasumi	Home Mission 'S'
21.	H.C. Lalmuansangi	H.C. Lalchangliana	GNM	Serkhan	S/N	Noxatilla	Cachar Tlang
22.	R. Lalrinmawii	R. Laltanpuia	GNM	Hualngohmun	S/N	Telketta	Cachar Tlang
23.	Zodingliani Hrahse	H.S. Ronghaka	GNM	Champhai Zotlang	S/N	New Sachan	Home Mission 'N'